

U skladu sa članom 39. stav (1) Pravilnika o sigurnosti na uređenim kupalištima ("Službene novine Kantona Sarajevo", broj 28/17), Ministarstvo kulture i sporta Kantona Sarajevo donosi

**PROGRAM
O DOPUNAMA PROGRAMA OBUKE I
OSPOSOBLJAVANJA SPASILACA NA UREĐENIM
KUPALIŠTIMA**

Član 1.

(Dopune Programa)

U Programu obuke i osposobljavanja spasilaca na uređenim kupalištima ("Službene novine Kantona Sarajevo", broj 23/18), iza Poglavlja III., dodaje se novo Poglavlje IIIa., koje glasi:

**"POGLAVLJE IIIa. PROGRAM OBUKE SPASILACA
PO SSI STANDARDIMA**

Član 13a.

(Program obuke po SSI standardima)

- (1) Program obuke po SSI standardima vrši se u Centru za obuku spasilaca, koji je jedini ovlašten da provodi Program i izdaje certifikate za licencirane spasilaca i instruktore spasilaca po EU licenci "ISO" standard.
- (2) Polaganje ispita za program po SSI standardima može se organizovati po prijemu najmanje jedne prijave za obuku spasilaca za bazen, a pet i više prijava za spasioce za rijeke, jezera i mora.

Član 13b.

(Plan i program obuke)

- (1) Plan i program obuke i osposobljavanje spasilaca po SSI standardima vrše certifikirani instruktori SSI iz Centra za obuku spasilaca, koji posjeduju certifikat SSI.
- (2) Program obuke i osposobljavanje spasilaca po SSI standardima je sastavni dio ovog Programa.

Član 13c.

(Troškovi polaganja ispita)

- (1) Troškove polaganja ispita snosi:
 - a) lično kandidat,
 - b) pravno lice, državni organ ili druga institucija za kandidate koje uputi na obuku.
- (2) Troškove obuke iz stava (1) ovog člana utvrđuje Centar za obuku spasilaca uz pismenu saglasnost Nadzornog odbora JP "Olimpijski bazen Otoka" d.o.o. Sarajevo.
- (3) Troškovi obuke su uvršteni u cjenovnik JP "Olimpijski bazen Otoka" d.o.o. Sarajevo, i uplaćuju se na račun JP "Olimpijski bazen Otoka" d.o.o. Sarajevo sa naznakom: "Troškovi polaganja ispita za spasioce po SSI standardima".

Član 13d.

(Vođenje evidencije i izdavanje certifikata)

- (1) Vođenje evidencije za SSI lifeguarde program vrši se po standardima SSI sistema za evidenciju.
- (2) Certifikat po SSI lifeguarde programu izdaje se u elektronskoj formi i važi u skladu sa SSI standardima. Certifikat je međunarodno priznat.

Član 13e.

(Provjera znanja)

Provjera znanja vrši se u skladu sa SSI standardima."

Član 2.

(Stupanje na snagu)

Ovaj Program o dopunama Programa obuke i osposobljavanja spasilaca na uređenim kupalištima stupa na snagu danom donošenja, a objavit će se u "Službenim novinama Kantona Sarajevo".

Broj 12-02-4716/21

18. februara 2021. godine
Sarajevo

Ministar
Samir Avdić, s. r.